

VENDIM
Nr.998, datë 2.7.2008

PËR DISA NDRYSHIME DHE SHTESA NË VENDIMIN NR.317, DATË 30.5.2007 TË KËSHILLIT TË MINISTRAVE “PËR MIRATIMIN E STRUKTURËS DHE TË NIVELEVE TË PAGAVE TË PUNONJËSVE TË SHTËPISË SË PUSHIMIT TË MINISTRISË SË BRENDSHME, DURRËS”, TË NDRYSHUAR

Në mbështetje të nenit 100 të Kushtetutës, të nenit 5/1 të ligjit nr.8487, datë 13.5.1999 “Për kompetencat për caktimin e pagave të punës”, të ndryshuar, dhe të ligjit nr.9836, datë 26.11.2007 “Për Buxhetin e Shtetit të vitit 2008”, të ndryshuar, me propozimin e Ministrit të Brendshëm dhe të Ministrit të Financave, Këshilli i Ministrave

VENDOSI:

Në vendimin nr.317, datë 30.5.2007 të Këshillit të Ministrave, të ndryshuar, të bëhen ndryshimet dhe shtesat e mëposhtme:

1. Lidhja nr.1, që përmendet në pikën 1, zëvendësohet me lidhjen me të njëjtin numër dhe emërtim, që i bashkëlidhet këtij vendimi dhe është pjesë përbërëse e tij.

2. Në pikën 2, vlera “10 050 lekë” bëhet “11 000 lekë”.

3. Pika 4 ndryshohet si më poshtë vijon:

“4. Shtesa për kualifikim, (kolona 3), e lidhjes nr.1, përcaktohet, si më poshtë vijon:

Nëpunësit në pozicionet “Specialist”, “Përgjegjës sektori” dhe “Drejtor”, që paguhen sipas lidhjes nr.1, përfitojnë shtesën për kualifikim, gradë apo titull shkencor, të përcaktuar në lidhjen nr.3, që i bashkëlidhet këtij vendimi dhe është pjesë përbërëse e tij.

Kriteret e përfitimit të shtesë janë:

a) Për nëpunësit, kjo shtesë jepet kur kualifikimi, grada apo titulli shkencor përputhen me përshkrimin e pozicionit të punës së nëpunësit, pas miratimit, rast pas rasti, nga Departamenti i Administratës Publike.

b) Kur nëpunësi ka kualifikim, gradë apo titull më të lartë, se ai i përcaktuar për pozicionin e tij të punës, sipas lidhjes nr.3, që i bashkëlidhet vendimit, përfiton vetëm shtesën e përcaktuar për këtë pozicion.

c) Kur nëpunësi ka kualifikim, gradë apo titull më të ulët se ai i përcaktuar për pozicionin e tij të punës, sipas lidhjes nr.3, që i bashkëlidhet vendimit, e përfiton shtesën në përputhje me kualifikimin, gradën apo titullin.

Në çdo rast si më sipër, pavarësisht nga kualifikimi, grada apo titulli që kanë, nëpunësit përfitojnë vetëm shtesën për gradën apo titullin shkencor më të lartë, që kanë.

Për aplikimin e shtesës për kualifikim zbatohen rregullat e udhëzimit nr.1, datë 18.4.2008 të Ministrisë së Arsimit dhe Shkencës, Ministrisë së Financave dhe Departamentit të Administratës Publike.”.

4. Lidhja nr.2, që përmendet në pikën 6, zëvendësohet me lidhjen me të njëjtin numër, që i bashkëlidhet këtij vendimi dhe është pjesë përbërëse e tij.

5. Efektet financiare, që rrjedhin nga zbatimi i këtij vendimi, të përballohen nga fondet e planifikuara nga politikat e rritjes së pagave, për vitin 2008.

Ky vendim hyn në fuqi pas botimit në Fletoren Zyrtare dhe i shtrin efektet financiare nga data 1 korrik 2008.

KRYEMINISTRI
Sali Berisha

LIDHJA NR.1

STRUKTURA DHE NIVELET E PAGAVE PËR POZICIONET “SPECIALIST”,
 “PËRGJEGJËS SEKTORI” DHE “DREJTOR”, NË SHËTËPINË E PUSHIMIT TË MINISTRISË
 SË BRENDSHME, DURRËS

EMËRTIMI	KATEGORIA	PAGA MUJORE			
		PAGA INDIVIDUALE (PAGA BAZË)			SHITESA PËR POZICION
		1	2	3	
		Paga e grupit (PG), lekë	Shtesa vjetore për vjetërsi (SHV), në përqindje	Shtesa për kualifikim (SHK), lekë	Shtesa për pozicion (SHP), lekë
Drejtor	III-a	11 000	2%		68 500
Përgjegjës sektori	IV-a	11 000	2%		39 000
Specialist	IV-b	11 000	2%		29 000

LIDHJA NR.2

NR.	POZICIONI	PAGA BAZË MUJORE (LEKË)	SHITESË PËR KUSHTE PUNE (LEKË/MUAJ)
1.	Përgjegjës (shërbimi i ushqimit dhe restorantit)	39 500	5 000
2.	Përgjegjës (gjelbërimi, veprimtari të tjera ndihmëse)	32 000	
3.	Kuzhinier	27 000	5 000
4.	Banakier	27 000	
5.	Administrues hoteli	27 000	5 000
6.	Ndihmëskuzhinier	25 000	3 000
7.	Llogaritar, Kamarier, Receptionist, Mekanik, Shofer i titullarit, Magazinier	22 000	
8.	Elektriçist, Hidraulik	19 000	3 000
9.	Marangoz, Bojaxhi	19 000	2 000
10.	Punëtor (hoteli), Punëtor (gjelbërimi)	18 500	
11.	Punëtor (kuzhine), Punëtor (restoranti)	18 000	
12.	Punëtor (lavanteri)	17 000	

LIDHJA NR.3

POZICIONI	KUALIFIKIMI	SHTESA (LEKË/MUAJ)
Drejtör	Profesor	30 000
	Profesor i asociuar	25 000
	Doktor i Shkencave	20 000
	Doktor i Shkencave	25 000
Përgjegjës sektori, Specialist	Studime të thelluara pasuniversitare/master i nivelit të dytë. Studime specializuese afatgjata	10 000
	Studime të thelluara pasuniversitare/master i nivelit të dytë	20 000

Shënim. Vlerat 20 000 lekë, për diplomat “Master i nivelit të dytë/Studime të thelluara pasuniversitare”, dhe 25 000 lekë, për gradën shkencore “Doktor i Shkencave”, zbatohen për nëpunësit, që i kanë përfituar diplomat përkatëse në universitetet apo shkollat e arsimit të lartë në vendet e përcaktuara në listën, që i bashkëlidhet udhëzimit të përbashkët të Ministrisë së Arsimit dhe Shkencës, Ministrisë së Financave dhe Departamentit të Administratës Publike.